

La bandiere dal Friûl

La steme antighe de Patrie dal Friûl e je la acuile eraldiche di aur su cjamp celest.

L'art. 2 de L.R. n. 6 dai 27 di Març dal 2015 al dîs: "La bandiere de comunitât furlane e je formade di un drap di forme retangolâr cun al centri une acuile eraldiche di aur cun alis spleadis, cjâf a çampe, bec viert e sgrifis rossis, suntun cjamp celest. Lis dimensions de steme a àn di sei trê cuints de altece de bandiere che jê stes e à di jessi alte doi tierçs de sô lungjece".

L'art. 3 de Leç al regole la sô esposizion, cun chestis normis: "In aplicazion dal articul 6 de leç regjonâl 27/2001, i ents locâi e i uficis de Regjon a puedin esponi al esteri des sedis, in ocasion de "Fieste de Patrie dal Friûl", la bandiere dal Friûl"; "In prime aplicazion, la Aministrazion regjonâl e je autorizade a dâ fûr a gratis ai ents locâi che a fasin domande une bandiere dal Friûl par esposizion esterne".

Il model plui innomenât e antîc de bandiere patriarcjâl al è in mostre tal Domo di Udin: al fo cusît sul cjamesot di lin blanc che al faseve sù il cuarp dal patriarcje Beltram di Saint Geniès, restât su la catidre di Aquilee dal 1334 al 1350 e copât in maniere barbare di une conzure di nobii furlans. Cheste bandiere antighe e je ancjemò in di di vuê la bandiere dal Friûl ricognossude in maniere universâl. No va confondude cu la bandiere de istituzion dome amministrative clamade "Regjon Friûl-Vignesie Julie", che e à une divignince tant plui resinte (1963) e dut un altri significât storic (su la bandiere regjonâl, la acuile e rapresente Rome che e va in socors di Aquilee, rapresentade de tor).

Carateristichis tecnicis de bandiere uficiâl:

La bandiere de comunitât furlane e je formade di un drap di forme retangolâr cun al centri une acuile eraldiche di aur cun alis spleadis, cjâf a çampe, bec viert e sgrifis rossis, metût in cjamp celest.

La steme e à dimensions pâr a trê cuints de altece de bandiere che a sô volte e à di jessi alte doi tierçs de sô lungjece.

Dimensions ametudis in centimetris: 200x300, 150x225 e 100x150.

COLÔRS

Celest: Pantone 300 U - CMYK 90-51-0-0


Ros: Pantone 485 C - CMYK 0-100-100-0

Zâl: Pantone 108 U - YK 0-13-83-0


Neri: Pantone P Process Black U - CMYK 0-0-0-100



 Pantone 300 U
CMYK 90-51-0-0

 Pantone 485 C
CMYK 0-100-100-0

 Pantone 108 U
CMYK 0-13-83-0

 Pantone P Process Black U
CMYK 0-0-0-100